

四庫全書

經部

欽定四庫全書

經部

春秋大事表卷九上

詳校官侍郎<sub>臣</sub>李封

給事中<sub>臣</sub>溫常綬復勛

總校官知縣<sub>臣</sub>

楊懋珩

校對官中書<sub>臣</sub>

李燾

謄錄監生<sub>臣</sub>

王貽桂

欽定四庫全書

春秋大事表卷九上

國子監司業顧棟高撰

列國地形險要表

險要之為天下重也從末世起也羣雄起而後有戰  
爭戰爭用而後出奇制勝設守要害則險要尚焉太  
平之世天下為家未嘗有也余讀左氏知春秋險要  
之地莫多於秦晉吳楚鄭衛鄭衛南北所爭而吳楚

秦晉壤地相錯為日交兵之國桃林二穀茅津之為西

北險也以秦晉七十年之戰爭著也

汪氏曰秦晉七十年之兵爭起

於穀之戰終於襄十四年十三國之師

函谷一入秦而六國之亡兆矣

鍾離州來居巢之為東南險也以吳楚七十年之戰

爭著也

林氏曰鍾離州來居巢三邑吳爭七十年而後得此

州來一入吳而入

郢之禍基矣他如齊穆陵之為大岨晉劉裕過之而

喜形于色者而地鄰莒魯強晉東來道所不經故戰

伐罕書焉晉南陽之即河陽唐李光弼百戰守之以

固關輔者而界連周鄭方輯和以拱衛故兵爭亦不  
及焉輶輶伊闕同一險也伊闕以備子朝而著而輶  
輶則無聞虎牢敖倉同一要也虎牢以晉悼之城而  
著而敖鄆則無聞至晉楚懸隔千里所爭惟在鄭宋  
楚戍彭城以塞晉之通吳晉城虎牢以防鄭之服楚  
春秋尤大書特書少習武關為秦豫咽喉之地秦人  
滅郢蓋欲南出以圖武關而卒不能有及楚圖北方  
將通少習而晉人震懼豈非襄鄆商雒之間地形阨

塞與函谷俱稱絕險哉故險要有常所初無定形有  
千年不易之險要有一時因敵為防之險要往往在  
後世為要害在春秋為散地者此亦古今時勢不同  
之故也聖王安不忘危大易有設險之義周書有慎  
固之訓三代之世何嘗不以險要為兢兢故詳列春  
秋所書參以後世攻守之事使古今山川險固瞭若  
列眉而列國強弱之勢與當日行軍用師交爭累戰  
之故俱可考而知焉輯春秋列國地形險要表第九

周 魯 齊 晉 宋 衛 鄭 秦 楚 吳

轅轅 西鄆 穆陵 桃林 彭城 楚丘 虎牢 河西 少習 鳩茲

襄二十一年 成四年 僖四年 宣文十三年 成十八年 僖二年 封莊二十一年 文十三年 襄四年 將襄三年 楚

年王使侯鄆 仲對楚子 晉使厚嘉 楚子伐宋 衛于楚丘 年王與鄭 秦伯即子 通于少習 子重伐吳

出諸轅轅 杜註魯西曰 賜我允 處取以守 宋魚石 傷亦曰 漕閭伯武公之 河西魏人 以聽命 克鳩茲

杜註轅轅 境上邑 公君履南 至桃林之塞 入于彭城 二年立戴 略自虎牢 在東 杜註少習 杜註鳩茲

關在緱氏 欲叛晉 故子穆陵 杜註在弘 杜註彭城 公以廬子 以東 杜註今河 商縣武關 吳邑在丹

縣西南 城之以為杜註關 農華陰縣 宋邑今彭澤 杜註今河北 縣子秦也 陽無湖縣

報報山今備 今在山東 東澶關 城縣 杜註衛邑 南成阜縣 為任河之 武關在今東 陝西商州 今江南太

在河南府 今在山東 青州府 臨今在河南 今為江南 古楚丘城 今在河南 鄭州汜水 今在陝西 東百八十 平府無湖

翟縣西南 曹州府 鄆胸縣 東南陝州 靈寶 徐州府 治今在河南 鄭州汜水 今在陝西 東百八十 平府無湖

七十里 具城 縣東一百五十里 縣南即秦 銅山縣 春衛輝府 滑縣西二里 同州府 及里東去河 縣東四十

坂有十二 六里 鄆自大峴山 上西谷 間也 秋時 吳晉 縣東六十 亦名成阜 華州之境 南內鄉縣 里有鳩茲

曲將去復 唐季為戰山 高七十 漢武帝從 往來之通 里南北 朝戰國時 韓三家分晉 百七十里 港孫權使

遷故名關爭要地朱文周迴二楊僕言徙道晉立徐謂之滑臺獻于秦十地入魏後隸河南之陸渾屯兵在山上全忠謀奔十里道境故關于新州為重鎮劉宋元魏九年而遷獻于秦吳南陽湖廣于此先主

### 關塞

山東則惠危惡一名安縣界朱序鎮守力爭于此亡今自梁起去西河之襄鄆入當謂權曰擊鄆州唐破車峴劉東入益三宋高祖經為四鎮之陽而東皆而泣即此長安者必江東形勢

昭二十六莊宗取大裕伐慕容百里謂之略中原置一

年晉知陳梁先襲取趙兵過大新聞建安府于此觀

趙鞅納王鄆方陣橫峴喜形于十六年潼大武以三

使女寬守行徑入益色即此關之名始十萬眾攻

關塞 鄆為四達

杜註洛陽之衝矣

西南伊關

口也

今在河南

府城南三

十里一名

伊關漢書

### 東陽

見于史則之不能下

襄二年晏陰縣東四南守則略杜註澶淵

弱城東陽十里河南河南山東在頓邱縣

以備策子閔鄉縣西北守則瞰北

通典臨朐六十里令淮江于兵在今北直

縣有東陽新設澶關家為守攻大名府開

城在今山縣春秋時之地林氏州西七里

### 澶淵

萬斛園出伯盟于王山中行過昭四年楚

襄二十年

盟于澶淵

西郭則亂城

順糾紛一杜註馮翊險就平信申團朱方

道迂曲其臨晉縣東乎為天設克之

間斷而復有王城之險

續使一夫在今陝西

荷戈而立同州府朝

邑縣東三

百人自廢

方城

今為江南

坦夷西入

王城

通武關自先有蓮葉

縣境地漸高城中突信十五年安四百九

起一山如晉侯及秦十里多從

朱方

朱方

朱方

朱方

朱方

朱方

朱方

朱方



帝時河南

設八關縣

棘伊闕居

其二

# 北山

昭二十二

年王田于

北山

杜註北芒

也一作邱

山

今在河南

府城北十

里山連偃

師孟津葦

東青州府通謂之桃曰晉悼公往時大河

臨胸縣東林

劉裕滅南

燕留羊牧

之為青州僖三十二

刺史鎮東年晉敗秦

陽常用重師于殷

兵戍守後杜註殷在

魏攻圍數弘農池

月不拔元縣西亦曰

嘉八年蕭二靖

思話喜東今在河南

陽奔曰昌府永寧縣

魏軍竟不北六十里

至而東陽東北入瀨

積聚已為池縣界自

## 二穀

城虎牢識晉王存焉

天下之勢

北各築一為已邑至

城謂之夾于廩延

河寨亦名杜註陳留

德勝津宋酸棗縣北

真宗時謂有延津

之南城杜註在始

城盟非丹河南開封

于澶淵即府延津縣

此

## 馬陵

流徑衙輝十里西起山至唐縣會吳城漢

黃河故道乾州武功州北自葉縣西北六

北十五里在今陝西葉縣正在廬州府集

本古葉地在今江南

十里州境囊皋

平武功縣州東北四公會吳子

杜註在始南陽府裕哀十二年

今在河南

馬侯曰荆山在南陽之北府

昭四年司杜註方城東晉時謂

以為城城號鐵甕

楚國方城推于此築

大荔戎城宛對管仲丹徒縣孫

十步亦曰僖四年屈鎮江府治

## 康延

## 中南

## 豪車

三縣綿魚  
四百里東

西魏及隋

宋李密王

世先皆苦

戰于此洛

陽形勝地

也

# 洛汭

昭元年趙

孟館于郊

汭

杜註洛水

在河南鞏

縣南亦謂

百姓所焚新安以西

歷池硤

石陝州靈

# 馬陘

賢閣鄉而

成二年晉至于潼關

卻克入自凡四百八

丘與擊馬十里皆河

陘

在今山東岸抽天絕

青州府治谷深委險

益都縣西甲于天下

南晉永嘉

中曹魏為

刺史于縣

西四里築文三年秦

城有大潤伯伐晉取

# 茅津

成十七年府汭縣南秦隴東徹連接數百置縣唐廢

同盟于馬七里謂之藍田相距里

陵

杜註在陽

平元城縣

東南

今北直大

名府治元

城隍東南神靈之助山張斜諸于夏汭

十五里有號靈昌津谷間

馬陵道戰唐安祿山

國時魏伐渡此破洛

韓齊使田陽

忌孫臏救

韓直走魏

都安邑魏

# 教

# 夏汭

宋紹興十

昭四年吳

破劉明途爭之險諸伐楚入棘

今北直大

出于此以葛與魏相櫟麻楚沈

兵拓卓為

劉錡等所

敗即此

杜註夏汭

漢水曲入

江今夏口

也吳兵在

東北楚威

冬吳子執

兵在東南

鍾吾子蓋

# 鍾吾

昭三十年

鍾吾子蓋

滅吳漢置

之聲  
水經註洛  
水入河之  
處亦曰什  
谷張儀說  
秦下兵三  
川塞什谷  
之口是也  
漢王距楚  
兵于此隋  
于此置落  
口倉  
今為河南  
府鞏縣治  
**太室**

甚廣固國王官及郊  
謂之廣固遂自茅津  
南燕慕容濟  
德都之潘杜註茅津  
聰曰廣固在河東大  
曹疑所營陽縣西  
山川阻峻今在山西  
足為帝王解州平陸  
之都城側縣以在大  
有五龍口河之北故  
險阻難攻名大陽河  
石虎慕容之南岬為  
恪劉裕攻河南陝州  
固必塞五州治距河  
龍口乃拔三里乃黃  
河津濟處

將龐涓倍宣十二年  
通井行遼邨之戰晉  
之孫子度師在教鄔  
其行慕容之間  
至馬陵馬杜註教山  
陵道狹而在聚陽縣  
旁多阻隘西北  
乃使萬弩在今河南  
夾道而伏鄭州河陰  
涓至射殺縣西二十  
之即此處里詩稱周  
汴宋河北宣王搏獸  
漕運往往于教秦于  
于黎陽或其地臨河  
馬陵道口置倉名曰  
柴部蓋津教倉漢王

今為漢口司吾縣  
鎮在湖廣今江南徐  
武昌府之州府宿遷  
西漢陽府縣西北有  
之東楚至司吾卿晉  
是始欲順元帝督運  
流東向以軍儲于此  
制吳  
**大別**  
因置宿豫  
縣為重鎮  
宋齊梁之  
定四年于世常遠屬  
常濟漢而南北唐避  
陳自小別代宗諱改  
至于大別曰宿遷  
杜註在江  
夏界  
**善道**

昭四年司馬侯曰四  
嶽三塗陽  
城太室九  
州之險  
林註即中  
嶽嵩高山  
也  
今在河南  
府登封縣  
北十里在  
汝洛之間  
雖逼近都  
會而道里  
少為僻遠  
蒙古攻金

盧

亦曰大陽  
津唐貞觀

隱三年傳十一年于  
齊鄭盟于茅津遼浮  
石門尋盧梁曰大陽  
之盟也橋長七十  
杜註濟北六丈廣二  
盧縣故城大架大河  
在今山東之上東則  
濟南府長富平律西  
清縣西南則大陽津  
二十五里實大河之  
按盧為齊衝要也  
高俟來邑  
成十七年  
高弱以盧  
河陽

要之地

軍樂陽築  
而道屬之  
河以取教  
倉粟鄆案  
說漢高據  
教倉之粟  
是也

在今湖廣襄五年會  
漢陽府城吳子善道  
東北百步今為江南  
漢水入江泗州盱眙  
處也亦謂縣南宛州  
之魯山杜記盱眙本  
佑曰三國吳善道地  
南北朝為也秦為東  
必爭之地陽縣二世  
時陳嬰為  
東陽令史  
鍾離  
即此宋太  
昭四年楚守沈璞結  
使嚴尹宜城浚隍魏  
谷城鍾離太武以三  
藩廢疆城十萬聚園

渾關不能  
下乃由嵩  
山小路趣  
汝州遇山  
澗輒以鐵  
槍相鎖連  
接為橋以  
渡遂趣汴  
京即此

叛襄十八倍二十八  
年晉趙武年天王狩  
韓起以上子河陽  
軍圍盧二杜註河陽  
十九年高令盟津  
暨又以盧古河陽城  
叛蓋亦險在今河南  
隘之地唐懷慶府孟  
地里志盧縣西南三  
縣北有碣十里晉泰  
畝津故關始中杜預  
宋元嘉中于此造河  
王元謨平橋曰富平  
橋畝立成澤唐設河  
守之為河陽三城節  
南四鎮之度使史思

樂然丹城三旬不死  
州來以備而退張魏  
吳公曰淮東  
昭二十四宜于盱眙  
年楚平王屯駐以扼  
為師以清河上流  
略吳疆師淮西宜于  
還吳鍾楚濠壽屯駐  
遂滅吳及以托渦潁  
鍾離之運  
在今江南  
鳳陽府臨  
淮縣東四裏十七年  
黑春秋時越伐吳吳  
互為吳楚子禦之益  
邊邑歷代澤即今太

明陷汴鄭

李光弼棄

洛陽守河

陽賊不敢

西窺關輔

南岬為孟

津縣

棘津

昭十七年

晉荀吳帥

師涉自棘

津用牲于

雄遂滅陸

渾

為戰爭重湖在江南

地梁天監蘇州府西

中魏元英南三十里

建國鍾離常州府東

邢縣謂鍾南百里浙

離天險必江湖州府

無克狀即北二十八

里袁元年

此州來吳敗楚于

夫椒通典

楚城州來云即今太

見上自後湖中西洞

送屬吳楚鹿山也江

昭二十四浙有事太

年難父之湖常為戰

戰楚師大區唐初李

杜註河津  
名亦曰南  
河傳二十  
八年晉將  
伐曹假道  
于衛衛人  
不許還自  
南河濟即  
此杜註從  
汲縣南渡  
出衛南而  
東水經注  
河水迤東  
燕縣故城  
北有濟水  
北來注之

齊州來遂子通為杜  
為吳地封伏威所敗  
季札于此自京口東  
為延州來走太湖襲  
季子哀二取沈法興  
年吳遣蔡于吳郡五  
子州來謂代時吳越  
之下蔡南唐往往  
在今江南關爭于此  
壽州北三明太祖與  
十里古下張士誠相  
蔡城也在特時常州  
淮水之北府忠為明  
與壽春城境而無錫  
對據翼敵猶為士誠  
淮浦自南守乃自宜

有韓津之

名亦曰石

濟津

今在河南

衛輝府汲

縣南七里

孟門

襄二十三

年齊侯伐

晉取朝歌

為三隊入

孟門登太

行

杜註孟門

晉隘道

北朝梁魏興下太湖

與後周南先取湖川

唐為苦戰嘉興李文

之地汴宋忠亦下杭

以下蔡為州夾攻蘇

北壽春而州擒士誠

壽春縣為而無錫乃

南壽春劉下益險要

錡楊沂中之無定形

敗劉麟劉如此

挽于此

巢

楚城巢滅

巢見上



案孟門即  
白陘太行  
八陘中之  
第三陘也  
在今河南  
衛輝府輝  
縣輝縣界  
連淇縣淇  
縣即古朝  
歌

太行

見上

杜註闕

案輿地志

太行陘在

古屠巢城  
在今江南  
廬州府巢  
縣治東北  
五里孫權  
于此築濡  
須塢曹公  
四起巢湖  
不成即此

大隧

定四年柏

舉之戰楚

左司馬成

謂子常曰

河南懷慶府西北三十里八陁中之第二陁也其地據南北之喉吳起稱殷紂之國左孟門右太行蓋以紂都朝歌太行如屏擁其西北二陁分列左右

我悉方城外以毀其舟還塞大陁直隸冥社註三者漢東之隘道大陁一名武陽關在今河南信陽州東南一百五十里西南至湖廣德安府應山縣

壺口

哀四年齊

國夏伐晉

取壺口

杜註潞縣

有壺口關

今在山西

潞安府城

東南十三

里延袤百

餘里東接

相州山形

險狹形如

壺口自昔

為襟喉之

一百三十里

直轄

一名黃峴

關又謂之

九里關在

信陽州南

九十里南

至應山縣

亦九十里

冥阨

一名平靖

關在信陽

地

華山

傳十五年

晉許路秦

伯以河外

列城五而

及華山

杜註在弘

農華陰縣

南

今在陝西

同州府華

陰縣南十

里亦曰西

州東南九

十里南至

應山縣北

六十五里

三關勢如

首尾南北

朝時所謂

義陽三關

也齊梁世

為重鎮

渚宮

文十年子

西沿漢沂

江將入鄂

王在渚宮

獄秦踐華

為城因河

為池險甲

天下春秋

時屬晉為

陰晉邑

陰地

宣二年趙

有自陰地

侵鄭又有

陰地之命

大夫

杜註自上

雒以東至

陸渾

下見之

水經註今

江陵城楚

船官地即

春秋之渚

宮也

今為荊州

府治江陵

縣東晉後

嘗為襄鎮

桓溫及其

弟冲皆保

據渚宮梁

元帝後梁

蕭銳及高

從誨皆都

今為陝西

商州治以

在洛水上

源亦曰上

維哀四年

楚起豐析

以臨上雒

赫連勃勃

謀取關中

王賈德曰

青泥上洛

南北險要

河曲

文十二年

晉秦戰于

此

潁尾

昭十二年

楚子將子

州來次于

潁尾

杜註潁水

之尾在下

蔡西

今在江南

鳳陽府壽

州西北四

十里潁水

入淮處也

河曲  
杜註在河  
東蒲阪縣  
南  
蒲阪城在  
今山西蒲  
州東南五  
里渡河即  
陝西同州  
府朝邑縣  
有蒲津關  
與朝邑縣  
之臨晉關  
東西相對  
魏武帝征  
馬超韓遂

亦曰潁口  
魏曹孟循  
蔡邕浮淮  
如壽春蓋  
自潁口入  
淮歷代為  
阨要之地  
沈  
定四年蔡  
滅沈後屬  
楚為平輿  
邑  
杜註汝南  
平輿縣北

夜渡蒲津

關即此水

經云河水

自此折而

東故謂之

河曲據關

河之要劉

石符姚赫

連拓拔高

宇文氏莫

不力爭此

為關中得

失唐升州

為河中府

朱金忠欲

取河中謂

有沈亭

今河南汝

寧府治東

南有平與

故城亦曰

懸瓠城南

北用兵懸

瓠為必爭

之地汝水

屈曲形如

垂瓠故名

申

楚文王縣

中息



諸將曰我  
今斷長蛇  
之腰為我  
以一繩縛  
之蓋有河  
中則河東  
不能與長  
安相聯絡  
也

稷

宣十五年  
晉侯治兵  
于稷以略  
狄上

杜註中國  
今南陽宛  
縣  
在今河南  
南陽府南  
陽縣北三  
十里終春  
秋之世申  
最為楚重  
地每有攻  
伐必發其  
兵復光武  
亦從南陽  
起林氏曰  
楚有圖北  
方之志其

社註河東  
聞喜縣西  
有稷山  
今在山西  
絳州稷山  
縣南五十  
里隋因山  
以名縣  
西南十三  
里宇文時  
王思政子  
此築玉壁  
城高歡攻  
之不能克  
後韋孝寬  
代思政歟

君多居于  
申合諧侯  
又在馬子  
重請申呂  
為賞田巫  
臣曰不可  
無申呂晉  
鄭必至于  
漢  
崇  
景十四年  
楚子囊師  
于崇以伐  
吳

百計攻圍  
晝夜不息  
孝寬隨機  
拒守歎智  
勇俱盡而  
退因置歎  
州以旌其  
功通釋云  
玉壁城四  
面並臨深  
谷其北尤  
天險  
顛軫  
僖二年苗  
息假道于

今為江南  
江寧府六  
合縣堂邑  
涂塘即此  
亦名瓦梁  
河孫權築  
堂邑涂塘  
以淹北道  
晉武平吳  
使王佑出  
涂中太元  
四年謝石  
率舟師屯  
涂中南唐  
何延錫建  
言六合西

虞曰冀為  
不道入自  
顧幹伐耶  
三門  
杜注河東  
大陽縣東  
北有顧幹  
坂  
在今山西  
解州平陸  
縣東北五  
十里亦曰  
虞阪自上  
及下七山  
相重東西  
絕澗至為

二十五里  
有堰曰瓦  
梁水合五  
十四流輻  
湊吳堰中  
關橫斷羣  
山回環據  
天經而絕  
地緯之要  
者  
鵲岍  
昭五年吳  
敗楚人于  
鵲岍高氏  
據杜佑說

險及戰國

策驛驛至

于虞阪而

不能進即

此

下陽

僖二年虞

師晉師滅

下陽

杜註虢邑

在河東大

陽縣

令山西解

州平陸縣

謂今太平

府繁昌縣

西南大江

中有鵲尾

洲池州府

銅陵縣北

十里有鵲

頭山高賢

臨江唐志

云山在鵲

洲之頭故

名即古鵲

岬也宋恭

始二年晉

安王子勳

舉兵達其

東北四十  
五里為故  
下陽城陽  
河為河南  
陝州號地  
蓋跨河南  
北晉假道  
于虞伐虢  
賈逵曰虞  
在晉南號  
更在虞南  
是也元察  
罕特穆爾  
自陝州追  
汝潁賊賊  
渡河陷平

將陶亮軍  
鴨洲入袁  
凱率樓船  
千餘來入  
鵝尾元凶  
初之亂武  
陵王駿軍  
于鵝頭茅  
建初南郡  
王義宣舉  
兵鵝頭梁  
承聖初王  
僧辨討侯  
景遣侯瑒  
襲鵝頭成  
克之唐李

陸復追襲  
之賊之以  
鐵騎賊還  
復欲渡河  
而南察罕  
扼之下陽  
賊赴水死  
者甚衆即  
此

孝恭討斬  
公拓拔其  
鵲頭鎮基  
二地本相  
連常為戰  
爭要地  
長岍  
昭十七年  
楚人及吳  
戰于長岍  
今江南太  
平府西南  
三十里有  
東梁山與  
和州南七

十里之西  
梁山夾江  
相對如門  
之關楚猶  
吳來舟餘  
皇處會伐  
吳吳主遣  
將軍張象  
樂之于梁  
山衆降遂  
破建業宋  
孝建元年  
南郡王義  
宣叛宋主  
命柳元景  
等據梁山



洲陳霸先  
先拒侯瑒  
遣侯安都  
立柵于梁  
山唐初輔  
公祐子梁  
山連鐵鎖  
斷江路歷  
代為建康  
西偏之要  
地東晉以  
京口為北  
府始孰為  
南府  
附  
昭  
月  
解

戰國策范

睢曰子胥

囊載而出

昭聞

今在江南

和州含山

縣北二十

里一名小

峴山與大

峴山兩山

對峙為廬

壽往來之

衝南北朝

為戰守要

地宋紹興

十一年王

德復和州  
馬珠退屯  
昭關德擊  
敗之遂復  
昭關三十  
一年金亮  
南侵王權  
棄廬州退  
屯昭關又  
自昭關退  
保和州淮  
西大擾陸  
興二年金  
人入濠淦  
王彥棄昭  
關走兩淮

春秋列國不守關塞論

春秋時列國用兵相鬪爭天下騷然然其時禁防疎闊  
凡一切關隘扼塞之處多不遣兵設守敵國之兵平行  
往來如入空虛之境其見于左傳者班班可攷也文十

幾陷其山

長二十里

兩山壁立

水遠山下

險固足恃

春秋時為

吳楚之界

三年春晉侯使詹嘉處瑕以守桃林之塞註云以備秦桃林今潼關也昭二十六年秋晉知轡趙鞅帥師納王使女寬守闕塞註云以備子朝闕塞今伊闕也二者天下之險必待紛紜有事而後遣將設守重書于冊則其平日之漫無閑禦可知矣齊莊公之伐晉也入孟門登太行封少水而還而晉僅于其還也使趙勝率東陽之師追之而已而晉平日之備禦無有也吳闔閭之入楚也舍舟淮汭自豫章與楚夾漢道由大隧直轅冥阮而

司馬成第于既陣始議塞城口以邀其歸路而楚平日之控扼無有也是皆一夫守險千人莫過使當日有一旅之師百夫之長當關旅拒則齊之啓肱申殿必不能輕騎而入羊腸之隘吳之水犀精甲必不能疾驅而至漢水之濱也以至文五年秦人入郢道由上雒出武關經歷晉之陰地是時秦晉已絕好而都在南陽之析城深入東南五百餘里秦出兵與楚爭郢而晉人不之禁也僖三十三年秦人襲鄭道自華陰出函谷關經歷二

靖及周之輶轅伊闕而後至河南之偃師行歛巖深谷  
中二千餘里商人弦高遇諸途而始覺而周人晉人不  
之詰也他若晉會十三國諸侯于柤而柤為楚地吳伐  
魯而子析故從武城道險是蓋列國皆然主者無設險  
固圉之謀敵人無長慮却顧之志處兵爭之世而反若  
大道之行外戶不閉歷敵境如行几席如適戶庭主人  
能則有秦穆之喪師主人不能則為楚昭之失國春秋  
之所以日尋于多事者以此也易之有重門擊柝以待

暴客又曰慢藏誨盜夫土地人民國之寶藏敵國外患  
國之大盜偃然弛備而欲狡焉啓疆者不胥其篋而劫  
其藏得乎善為國者慎其封境險其守集深維大易設  
險之謀重凜周書慎固之訓庶乎姦宄戢志而強鄰寢  
謀矣

春秋大事表卷九上



欽定四庫全書

春秋大事表卷九下

國子監司業顧棟高撰

列國地名口號

余纂春秋地形卷成中有所見與前人違反處既為  
著論復作韻語以叶之積成一百一十三首取便于  
學者之記誦其封疆錯互險要宵旰與列代戰爭顯  
著及今日川瀆改易併漕運海道來由俱用今代府

州縣地名旁注其下簡而居要可為讀史之先路杜氏之驛郵而列國廢興大要封建原委與杜註孔疏之舛譌亦一二附見焉昔元遺山先生效少陵體作評論古今人詩三十六首近世阮亭復推廣之為五十首余不能詩但以左氏卅角受讀今成白首又參以二十年來足跡所歷輒倣元氏之意名曰春秋地形口號貽諸學者用為讀左之一助云時假館九江大孤山堂乾隆四年十二月上浣復初氏識

老向蟬魚寄此身那堪歷碌走風塵春秋列國紛如繡  
贏得披圖數問津一

余經歷七省到處  
訪求春秋地理

從古文人說馬遷掎摭經傳等談天瀾翻左氏如流水  
聚米山河在眼前二

土地稱名歷代更征南註左最分明滄桑更轉無窮劫  
繙譯重須仗顧榮三

杜元凱有釋  
例土地名

綺錯縱橫舊版圖瓜分合併更懸殊若從盲左清疆索

酈註桑經信不誣

四

酈道元註桑欽水經說  
春秋地理最有根據

初遷洛邑帶河陽肩背桃林是號疆表裏山河俱屬晉

空存虛器守燕嘗

五

鄭氏詩譜周東都北得河陽漸冀州之南河陽為今  
河南懷慶府孟縣即古孟津也又號公為王卿士號  
地自河南府嵩縣以西至陝州靈寶六百里高  
山深林皆號畧之地桃林之塞在焉後皆屬晉

聲勢相聯稱宛雒宣王封謝壯藩垣申亡腰膂從中斷

南國旋成楚北門 六

詩稱于邑于謝南國是式謝申伯之都周之南國也故城在今河南南陽府南陽縣北三十里楚文王滅申由是出兵則以申息為先驅守禦則以申呂為門戶文十六年楚大饑戎蠻交伐楚申息之北門不啓燕封僻遠隔山戎職貢王朝路未通北伐功高稱尚父

京師左輔舊無終 七

莊三十年山戎病燕齊桓公伐以通道山戎一日北戎一日無終三名一地也襄四年無終子嘉父納虎豹之皮于晉以請和諸戎杜註無終山戎國名今為直隸永平府玉田縣縣治西有古無終城

齊桓伐楚合江黃此是驅人到滅亡晉悼用吳能制楚

褒齊貶晉說何狂八

江在河南汝寧府真陽縣東黃在光州西十二里皆近楚小國齊桓于僖四年合江黃八國為召陵之師僖十二年楚滅黃文五年楚滅江齊不能救諸儒謂齊桓能遠交以孤楚之勢胡氏至比之牧野之庸蜀彭濮而以晉悼之用吳比之却虎進狼者竊所未喻

登萊大海浸茫茫萊子城高百尺牆齊滅萊常通海道

空聞鏜鎔怕吳強九

今山東登州府黃縣東南二十里有萊子城極為險峻棠菜邑在今萊州府即墨縣南八十里襄六年齊侯滅萊遂圍棠滅之齊于是始有登萊二府之境東際于海矣哀十年吳徐承帥舟師自海入齊蓋因齊

滅萊棠後通  
東方海道也

敵入韓原患寇深幾從河內費搜尋晉疆直抵延安府

白翟遺墟舊帶襟

十

韓原晉地為今陝西同州府之韓城縣僖十五年韓之戰晉惠公曰寇深矣若之何近代顧亭林先生謂韓城在河外無寇深之理疑當在河東或欲以河北縣之韓亭當之非也晉跨有河西之地直抵白翟故墟魏得之為河西上郡孔氏曰河西同丹二州丹州今延安府宜城縣上郡為延安以北延安東去黃河界四百五十里質諸寇深之言脗合不必以韓城為疑也

曹衛諸姬南向楚名之曰畔更何辭宋儒半是陳餘者

只道文公譎用師

十一

曹衛以北方大國與魯偕俱南向事楚此時周室孤立有累卵之勢晉文坐致楚師一舉勝之使天下諸侯翕然宗晉真有回瀾倒日之力僖二十八年書晉侯侵曹晉侯伐衛兩舉其爵家氏鉉翁所謂言之不足而重復言之者也夫子謂譎而不正蓋指其他事如請隧及召王巡狩之類耳必以伐衛致楚為譎是驅天下而為宋襄之仁義也厥後雖晉伯極衰叛者四起而曹衛未嘗一日事楚豈非城濮之餘烈未艾歟

狄之廣莫晉為都密邇平陽患切膚滅衛入邢侵魯鄭

東連齊界半寰區

十二



僖五年傳二五言于晉獻公曰蒲與二屈君之疆也請使重耳主蒲夷吾主屈使俱曰狄之廣莫于晉為都杜註蒲平陽蒲子縣今山西隰州屈平陽北屈縣在今山西吉州治東北二十一里俱逼近晉都是時狄侵滅諸國狄地蓋連亘齊晉由山西貫直隸以及山東之西界

齊晉東西各樹壇征車盟會路漫漫晉人滅潞收遺地

逼近齊疆遂戰鞏

十三

初時齊在山東晉在山西遠不相及故齊桓之霸晉獻不與盟晉滅虞虢齊桓不能討自宣十五年晉景公滅潞收狄之遺土于是晉地跨有東昌曹濮之境與齊接壤成二年鞏之戰遂平行以入齊都矣卻克欲使齊之境內盡東其敵惟戎車是利蓋以地逼近故也

范家封邑在山東狄土歸來作賞功後入齊疆更奇絕

助臣黨叛長凶風 十四

范為今山東曹州府范縣季氏私考謂此係衛地晉不應以封其大夫余考宣十二年邲之戰士會稱隨武子宣十五年晉滅潞十六年士會帥師滅甲氏留吁十七年請老稱范武子以後終春秋之世稱范不稱隨蓋范為狄所滅之衛地晉收之以為士會賞功之邑耳後又入齊為邑孟子自范之齊即此此因春秋之季范中行叛晉即齊齊衛助之范遂入齊不返情事固顯然也

邠伯懷思歎下泉黍苗陰雨被桑田興師曲沃由朝命

見滅王靈不復宣 十五

詩稱郇伯勞之毛傳郇伯郇侯也鄭箋云郇侯文王之子為州伯郇一作荀左傳畢原鄭郇文之昭桓九年荀侯賈伯伐曲沃郇與荀同一國也荀承王命連五國以伐曲沃舉方伯連帥之職而汲郡古文云晉武公滅荀以賜大夫原氏黠為荀叔是顯抗王命挾仇滅國而周室不討王令不行于天下可知矣僖二十四年晉文公入國秦晉大夫盟于郇杜註解縣西北有郇城今在山西蒲州府臨晉縣東北十五里即國地故荀

梁韓同在陝韓城秦晉鄰居鼠穴爭厰後戰攻歷幾世

少梁割首血縱橫

十六

韓姬姓文王之子詩稱韓侯受命是也晉文侯滅之為韓原地後以封桓叔之子韓萬為韓氏之祖在今

陝西同州府韓城縣南十八里梁嬴姓僖十九年秦穆公取其地為少梁邑在韓城縣南二十里文十年晉人取少梁即此

秦臨河界築王城秦晉為成王會盟初起西陞基尚狹

東平晉亂始經營

十七

王城在今陝西同州府朝邑縣西二里所謂臨晉也東近黃河渡口秦孝公初立下令曰穆公東平晉亂以河為界則知前此未能東至河也韓之戰獲晉侯十月晉陰飴甥會秦伯盟于王城王城之名始見于此疑經營即在此時

靈臺舊在鄠宮旁周室遺模尚未亡奢麗阿房秦帝制

可憐焦土是咸陽 十八

周靈臺在今陝西鄠縣東三十里  
阿房宮在今咸陽縣俱屬西安府

秦伏西陲四百年空餘戎馬莫爭先桃林少習他家有

柙虎深山洞口填 十九

桃林即函關屬晉  
少習即武關屬楚

楚先北向後東圖申呂隨唐實首塗漢水諸姬吞滅盡

徵諸傳記半糢糊 二十

今人多以九縣為漢陽諸姬高江村曰漢陽謂在漢  
北夷考姬姓國之近楚者曰隨曰息曰蓼曰穀隨終

春秋不滅穀在漢南息蓼在淮濡又非漢北  
蓋楚所吞滅之姬姓甚多皆不見于經傳也

楚勢鷗張自滅庸連秦倚角道巴實戎車更繞周疆後

邾郕初通漢水烽

二十一

文十六年楚人秦人巴人滅庸杜註庸上庸縣故城  
在今湖廣鄖陽府竹山縣東四十里先儒謂秦楚相  
遠其所以得伐庸者由巴蜀以通道楚至是蓋西連  
巴秦繞出周晉之後列國諸侯在其掌握自是楚益  
強宣三年遂問  
鼎于雒邑矣

邠水從稱古汧梁袁曹官渡戰爭場渡河爭掬舟中指

原武河邊祀告長

二十二

晉楚戰于邲邲城在開封府鄭州東六里邲水一名汴水楚漢時謂之鴻溝三國時謂之官渡又原武縣西北大河即晉師敗而濟河楚莊王祀河告成處

疇昔驅車覽宋椒荒原千里集寒鵬應懲洛邑遺頑畔

平地封藩四望遙

二十三

宋都為今河南歸德府商丘縣土高而四隳者為椒城西南有商丘周三百步世稱闕臺余十年前曾過此

往來頻過魯遺墟南自魚臺北汶餘漫說海邦魯所屆

詩人頌禱尚從虛

二十四

余往來京師水陸皆由魯境隱五年公矢魚于棠  
為今兗州府魚臺縣又汶上縣為齊南魯北境上魯  
境東西長而南北狹其後侵奪郛莒杞小國故其地  
多畸零不正員朱子謂襲慶東平府沂密海等州即  
其地皇興表以為山東登州府之寧海州非也魯  
地未嘗涉登萊之境且既以為江南之海州不得復  
屬兩

鄭界中州四戰區惟強是擇最良圖高家賴子同斯術

得免兵戈保一隅

二十五

五代十國中南平高氏國小民貧地當四戰奉事中  
朝又稱臣吳蜀閩漢當時目為高賴子然用是五十  
年無大兵革民以少安蓋用  
鄭犧牲玉帛待于竟上之計



杞遷東國是何時宋得雍丘事可疑三恪舊封疆互易

春秋失載更誰知 二十六

杞始封雍丘為今河南開封府之杞縣入春秋未幾即遷東國東國即淳于為淳于公故地在今山東青州府安丘縣東北而雍丘為宋有淳于去雍丘絕遠不知杞以何年并淳于之地又不知宋以何道取雍丘此等俱不見于經傳

棄陳何事等珠厓名楚初由陳計乖齊楚會盟陳列首

卒夷九縣聽差排 二十七

晉悼公時陳事晉范宣子曰陳近楚棄陳而後可僖十九年宋襄圖伯陳穆公請修好于諸侯以無忘齊

桓之德于是會陳人蔡人楚人鄭人盟于齊陳蔡列楚上此為楚與中國會盟之始

蔡先服楚亂中華入郢鞭尸蔡始芽厥後零丁無倚泊

州來遷國入吳沙

二十八

定四年蔡以吳人伐楚入郢楚復國哀元年楚圍蔡蔡請遷于吳二年冬吳遷蔡于州來由是壽州更為下蔡蔡之服楚最蚤其得楚之禍亦最酷自莊十年獻舞被執蔡遂甘心從楚齊桓之興僅一從北杏之會後以八國加師國潰而不能革其從楚之志也逮晉文大創楚蔡始龜勉為三會而旋即背之悼公復伯陳鄭相率事晉而蔡安于即楚凡楚之撓亂王略吞噬諸侯蔡無役不從卒至昭十一年楚殺般用世子有遂從而滅蔡矣平王封蔡蔡猶忘御事楚雖東國再逐而不悔至昭侯積累世之怨用吳破楚入郢

鞭尸蔡為禍胎楚復而蔡禍未已哀元年楚復圍蔡而蔡遂入吳遷于州來蔡一微國而有關於夷夏之世變如此

楚武經營首事隨藩臣役楚不嫌卑若從盟會江黃比

蚤見南遷咄子規 二十九

隨國在今湖廣德安府隨州近河南界自僖二十年楚子伐隨取成而還自後為楚私屬不與諸侯盟會定四年吳入郢楚昭王奔隨隨人免之楚以此德隨哀元年復列于諸侯終春秋世不滅

滕薛邾鄆併一方截長補短亦何當況從里計周量小

百里曾無七十強 三十

四國俱在今兗州府滕縣孟子曰今滕絕長補短將五十里也五十只當今二十七里有奇蓋里從丈尺起周尺短當今五寸五分弱也

濡上南通易水寒悲歌慷慨號無端黃金不愛求死士

前有燕昭後子丹

三十一

昭七年齊燕盟于濡上杜註濡水出高陽縣東北至河間鄭縣入易水黃金臺在易水東南十八里濡上蓋在今直隸安州任丘之間

梅李遺墟泰伯城于今脆弱可憐生闔閭以上俱都此

破楚爭齊蓋世橫

三十二

今江南常州府無錫縣東三十里有泰伯城  
地名梅李鄉自閩閩以上二十一世俱都此

鐵甕城邊江水潺朱方當日舊江山楚師何道能深入

邀擊應無匹馬還

三十三

昭四年楚靈王使屈申圍朱方克之顏師古曰漢丹  
徒縣吳朱方也今為江南鎮江府附郭孫權于此築  
城號

鐵甕

歷盡閩疆又浙東俗能堅忍號雄風范蠡深識能因地

嘗膽君臣啓霸功

三十四

舊以浙江以東皆越境余甲辰遊  
閩丙午丁未遊浙東徧歷越地

越封西境盡餘汗衛信遙連姑蔑寬于越渡頭流水在

淮南獻議炳如丹

三十五

江西饒州府餘干縣為越之西界寰宇記縣西南有  
于越渡漢淮南王安獻議曰越人欲為變必先田餘  
汗界中蓋今餘干縣以東連廣信一府皆漢餘汗地  
國語止稱越地西至于姑蔑姑蔑為今浙江衢州府  
龍游縣由衢至饒中尚隔廣信府饒為越楚分界廣  
信之弋陽貴溪二縣本餘汗縣地也餘汗即于越為  
越之餘國語  
所稱殊未盡

夏口憑高江上師吳兵仰瞰自難支其如陸騎臨江岼

淮右衝枚席捲馳

三十六

昭四年楚沈尹戌奔命于夏汭杜註今夏口也吳兵在東北楚盛兵在東南以絕其後按夏口在今湖廣武昌府治江夏縣扼江上流吳人仰攻勢不便故出兵多就淮右北道楚亦從北道應之至是出夏汭欲順流東向以制吳十七年長岍之戰以得上流而勝至柏舉之役吳舍舟淮汭自豫章與楚夾漢則從陸路臨江岸失水戰之勢矣

大別鋒交吳却東還師就近易收功不期夫概先殊死

三戰長驅入郢中 三十七

定四年子常濟漢而陳自小別至于大別庚午陳于柏舉小別在漢川大別在漢陽柏舉在麻城自漢川至麻城吳師東退三百里蓋因懸師深入故且戰且却引楚至近以為全師返國之計耳孔穎達謂自東

而浙西者誤詳  
見柏舉之戰論

楚王掃境與吳爭紀郢空存百雉城不固國都圖保聚

倉皇燧象却吳兵

三十八

子常濟漢擊吳蓋在漢陽府漢川縣戰于柏舉在黃  
州府麻城縣去郢都江陵尚遠是時昭王不宜親在  
行間當其戰敗急宜還守國都固其根本猶可背城  
借一乃遽取季芊畀我以出涉睢西走乞哀隨人使  
宗社為墟倘無  
包胥楚不國矣

城口邀歸用計精不行旋致楚師崩闔閭豈是狂愚者

倘肯從前冒進兵

三十九



城口乃漢東三隘道之總名即大隧直轅冥阮也在河南汝寧府信陽州東南與湖廣德安府應山縣接界乃吳師北來之路是時吳方與楚夾漢屯駐漢口在武昌漢陽之間深入楚內地司馬成欲毀舟淮汭塞其歸路前後夾擊乃漢李左車塞井陘之計世謂子常不從其策以致敗余謂閻閻子胥精于用兵必然有備即從其策未必能勝

蔡居淮汝水中間逼近能為楚國患淮北漢川幾千里

全憑嚮導透重關

四十

尚書左傳蔡封淮汝之間在今河南汝寧府上蔡縣與信陽州義陽三關接界當日舍舟淮汭在今江南壽州中間經大隧直轅冥扼至漢陽府漢川縣陸路凡一千一百里若無蔡人為之嚮導吳必不敢踰險

深入杜預云吳乘舟從淮來過蔡而舍之蓋蔡近淮  
汭吳師至蔡境蔡更道吳從陸路來徑越信陽三關  
之險乃吳以前用兵所未嘗歷者經于定四年書蔡  
侯以吳子杜云吳從蔡計謀故經書以以者言能左  
右之也故讀春秋必深曉地理  
方知聖人經文皆是據實書

吳人伐楚取鄱陽路出嚴嶽道里長此事已當入郢後

從前何道到南昌

四十一

鄱陽縣為今江西饒州府治在鄱陽湖之東湖亘饒  
州南康九江南昌四府南昌在湖之西定六年吳始  
伐楚取番番即鄱陽春秋時鄱地極大不止今一縣  
當為今饒州南康畧盡彭蠡之境九江德化縣已當  
彭蠡之尾而定四年入郢傳云自豫章與楚夾漢又  
以前屢言豫章吳豈能越饒南九三府而先有南昌

之地乎知春秋之豫章  
非今日之南昌矣

錢塘帶水分吳越語出唐賢殆未然笠澤戰爭鋒不解

鴻溝只在五湖邊

四十二

唐人詩云到江吳地盡隔岸越山多以錢塘江之東  
為越地若然則今嘉湖杭三府吳兵當有守禦安得  
越一出兵即入太湖與吳為夫椒笠澤之戰耶况越  
北境之禦兒已為嘉興府之石門縣越敗吳于槁李  
耦李城在今嘉興縣南四十五里則此語之不足信  
明矣國語曰與我爭三江五湖之利者非吳也耶五  
湖即太湖詳見  
吳越分界論

夫椒敗越係包山嶽嶽湖光煙水間逐北直過苔雪界

會稽山接伍胥灣

四十三

哀元年吳敗越于夫椒杜註吳縣太湖中椒山通典包山一名夫椒山即西洞庭山也在蘇州府西南八十五里越一敗即保棲于會稽吳王追而圍之蘇州去會稽五百里追奔直至此可見今日湖杭二府春秋時係甌脫為兩國莫居之地

楚越交通計不疎倚吳結越在鄱餘若非左蠡親經歷

三國分疆總管如

四十四

昭二十四年楚子為舟師以畧吳疆越大夫胥犴勞主于豫章之汭鄢王乘舟且帥師從王據此則豫章為水濱案地圖饒州府之鄱陽縣為楚餘干縣為越豫章之汭即今鄱陽湖連亘二縣之境歸王乘舟當

在此吳楚越三國之分界也余親歷鄱陽湖方深曉其地理蓋杭州以西為吳地由杭州而嚴州而徽州至饒州之鄱陽縣濱湖則闔閭十一年伐楚取番之路也衢州之龍游縣為越姑蔑由衢州而廣信而饒州至餘干縣亦濱湖則越大夫帥師從王歸王乘舟之路也哀十九年越侵吳以誤楚楚追之至莫不及乃還當亦近餘干之境從前論地理者未及此

會計山頭苦聚兵風高獵獵越王城滅吳固守江淮險

七國爭雄比大鯨

四十五

太史公曰會稽者會計也禹會諸侯于江南計功而崩因葬焉在今浙江紹興府山陰縣東南十二里有無餘故城號越王城勾踐所都又越滅吳而不能正江淮以北今日揚州淮安之地盡棄與楚所以五世

至無疆為  
楚所并

自第五首至四十五共四十一首論春秋列國疆

域

關塞屯師備子朝輶輶捷出徑嶢嶢漢家八設關都尉

弭亂黃巾並建標

四十六

昭二十六年子朝之亂晉使女寬守關塞杜註伊闕  
口也在今河南府洛陽縣城南三十里襄二十一年  
晉樂盈過周王使候出諸輶輶孔穎達曰輶輶山在  
緱氏縣東南四十里連接鞏縣界漢靈帝時並為河  
南八關之一張衡賦曰迴行道  
于伊闕邪徑捷于輶輶是也

周齊苦戰北邙餘鄭魏羣雄角鬪初本自成周襟帶地

洛陽遙挹孟津裾

四十七

昭二十二年王田于北山杜註北邙也在河南府治洛陽縣城北十里連偃師孟津鞏三縣連亘四百里魏文帝欲平北邙山令登臺便見孟津以辛毘諫而止周宇文泰攻河橋據北邙為陳魏公李密攻鄭鄭王王世充自引精兵出偃師據北邙以待之蓋自古為洛陽形勝地

河陽自古孟津區晉造河橋天際紆南北三城列節度

臨淮百戰固西都

四十八

河陽即古孟津在今懷慶府孟縣西南三十里晉泰始十年杜預以孟津渡險始建河橋河橋自此始魏

孝文帝太和十三年作橋于河北側岸謂之壯中城東魏元象元年更築東城及中渾城所謂河陽三城者是也唐設三城節度使為重鎮史思明之叛李光弼棄洛陽守河陽賊卒不敢西渡關輔得無恙壯城在孟縣南城在今河南府孟津縣中隔一河相去四十里中渾城即今河中之郭家灘宋政和以後廢今皆無故跡

一丸泥固壯秦墉誰料靖函是晉封蚤定霸圖由號略  
河山兩戒此當衝 四十九

文十三年晉使詹嘉處瑕以守桃林之塞桃林即秦函谷關在今河南陝州靈寶縣故號地晉獻公滅虢靖函為晉有故得以制秦秦得靖函而六國之亡始兆矣自秦孝公始置關以前則但謂之桃林



武關一掌閉秦中襄鄖江淮路不通少習虛聲能懾晉

却憐拱手送商公 五十

哀四年傳將通于少習以聽命杜註商縣武關也在  
今陝西商州東楚通上雒阨道今自河南之南陽湖  
廣之襄鄖入長安者必道武關後入于秦秦以封衛  
鞅為商於邑自河南鄧州內鄉縣至陝西商州凡六  
百里皆古商於地武關在其內自後  
秦屢出兵武關攻楚成建瓴之勢矣

太行詰屈阪羊腸少水封尸事更狂不是危疑等風鶴

當令單騎縛齊光 五十一

齊莊公伐晉取朝歌為二隊入孟門登太行張武軍  
于熒庭封少水乃還秦太行陘在懷慶府城北所謂

羊腸阪也少水即澮水在絳縣逼近晉都是時晉方懼樂盈為內應故按兵不動徐俟其退而使趙勝帥偏師追之不然豈止如殺之獲三帥已乎

秦人滅郢志南圖楚却移都好避吳白起功成置南郡

百年未竟舊遺模

五十二

僖二十五年秦人晉人伐郢文五年秦人入郢蓋欲圖南出武關然終不能有其地至定公六年楚避吳之侵北去徙都郢謂之郢郢頃襄王二十一年秦白起拔郢置南郡楚東北保陳城明年又遷壽春蓋白起所拔之郢即僖二十五年秦穆公所圖之郢也至拔郢之歲統計凡三百五十六年

韓原戰勝賦河東不久歸還晉尚雄魏獻西河十五縣

空教吳起泣成功

五十三

僖十五年秦晉戰韓獲晉侯秦始征晉河東河東即  
河外列城五晉人背約不與者僖十七年秦質晉太  
子圉仍歸晉河東蓋今陝西同州府及華州之境左  
傳所謂號畧華陰也少梁北徵彭衙割首之戰皆在  
此地三家分晉地入魏秦惠王六年魏始納陰晉八  
年納河西地十年納上郡十五縣由是河西盡入于  
秦吳起去西河而泣曰使畢我能秦必可亡西河可  
以王自僖十五年至戰國秦惠王十年統計凡三百  
十六年

大峴關山古穆陵齊南天險實堪憑戰爭不見春秋傳

強晉東來道不登

五十四

傳四年傳齊地南至穆陵穆陵關在山東青州府臨朐縣東南一百五里劉裕伐慕容超兵過大岷喜

形于色即此青州與

魯莒杞三國接界

平陰廣里肇長城魯衛東昭孰敢爭晉水波高北風競

空聞殺馬格追兵

五十五

襄十八年諸侯同圍齊齊侯禦諸平陰塹防門而守之廣里今山東泰安府平陰縣東北三十五里有古平陰城防門去平陰二里即齊築長城之始又格馬山在濟南府長清縣東南六十里即夙沙衛殺馬塞道處

虎牢天下據中樞南北東西孰敢逾服鄭制荆成晉悼

韓侯從此啓雄圖

五十六

虎牢城在今河南開封府汜水縣西二里初屬鄭後屬晉襄十年諸侯之師戍鄭虎牢即此後三家分晉段規謂韓襄子曰必得石溜之地即虎牢也後韓哀侯卒以此滅鄭

夾寨沿河梁晉爭契丹南渡亟親征澶淵自古襟喉地

林父居麋盜美兵

五十七

襄二十年盟于澶淵杜註衛地近戚田古澶淵在今直隸大名府開州之西北往時大河經流于此梁晉爭時晉王存勗于此築夾寨城時河流闊遠兩城相距三十里故有南澶北澶之目宋景德初寇準勸帝親征駕至南城準固請渡河御北城門樓士氣百倍即夾寨之兩城也戚為衛孫林父邑在開州北七里

衛獻公使太師歌巧言之卒章喻文  
子居河上而為亂于是文子遂叛

馬陵狹道可藏兵此地春秋曾會盟萬弩深林夾道伏

終教豎子遂成名

五十八

成七年同盟于馬陵杜註衛地在陽平元城縣東南  
今直隸大名府治東南十五里有馬陵道即孫臏伏  
弩射殺龐涓處考史記世家此時魏  
尚都安邑乃齊入魏境必由之道也

彭城南北往來衝吳晉通聯遏楚鋒猶有偪陽口中蝨

不由王命晉家封

五十九

春秋時彭城為宋有今江南徐州府治銅山縣也偪  
陽在沛縣與山東兗州府嶧縣接界襄十年晉滅偪

陽以與宋欲通  
吳晉往來之道

汝寧府治古懸瓠南北兵爭最要區此地春秋沈子國

平輿屬楚蔡先驅

六十

今河南汝寧府治有平輿故城在汝水南岸春秋時  
故沈子國定四年晉人使蔡滅沈後屬楚為平輿邑  
晉杜預時猶仍平輿之名亦謂之懸  
瓠城南北朝用兵懸瓠為必爭之地

楚陵中夏恃方城百萬雄師莫敢撓連亘直苞申國地

戍申不用怨周平

六十一

方城山名在今河南南陽府裕州東北楚人因山為  
固築連城東向以拒中國起葉縣至唐縣連接數百

里苞絡故申國之地僖二十五年楚子入居于申杜  
註申在方城內故曰入是也楚文王滅申在莊十八  
年至僖四年屈完對齊桓公即云楚國方城以為城  
蓋楚一得申地即經營方城楚之強橫莫制實始于  
滅申也平王東遷申已被楚侵伐故平王戌之詩人  
興刺至入春秋滅申之歲已近百年矣楚之覬覦申  
國非一日則申之係  
周利害豈淺鮮哉

楚扼長江最上流吳兵更擾東北陬防淮全恃州來險

一失藩籬到郢州

六十二

州來楚邑為今江南鳳陽府壽州阻淮為固吳畏楚  
上流出兵多從淮右北道壽州是其要害昭二十三  
年雞父之戰楚師大奔州來遂失自是入  
郢之禍兆矣雞父在今壽州西南六十里



鍾離天險號難降梁魏兵爭劒戟撞起自春秋吳楚世

巍然百雉奠南邦

六十三

昭四年楚城鍾離州來居巢以備吳鍾離為今江南鳳陽府鳳陽縣控扼淮水南北朝時為重鎮梁天監五年魏將元英圍鍾離邢巒謂鍾離天險必無克狀魏主不聽梁遣曹景宗韋叡督軍二十萬赴救魏人走敗

上庸蜀魏互相攻孟達申耽反覆踪白馬金城空歎息

楚莊圖霸首侵庸

六十四

庸國在湖廣鄖陽府竹山縣東四十里秦置上庸縣建安十四年先主遣劉封孟達攻上庸上庸太守申

眈降後孟達復以城降魏其城號白馬塞孟達登之而歎曰劉封申耽據金城而更失之春秋文十六年楚使廬戢梨侵庸遂滅庸蓋莊王圖伯之始事也

白水真人氣鬱蔥春陵帝里舊唐風晉陽本自伊耆後

肅爽成仇鄂市空

六十五

唐本堯後夏殷徙封晉陽周成王徙之于許郢之間而以其地封叔虞春秋唐惠侯是其後定三年唐成公如楚有兩肅爽馬子常欲之弗與止之由此遂結仇明年道吳人伐楚入郢又明年為楚所滅漢元帝時以蔡陽之白水鄉徙春陵戴侯仁為春陵侯屬南陽郡蘇伯阿過之曰氣佳哉鬱鬱蔥蔥然即此今為唐城鎮在湖廣德安府隨州西北八十五里

楚雖三戶足亡秦項氏兵來三戶津夷考當年渡河處

春秋晉地果誰真

六十六

哀四年晉人執戎蠻子以畀楚師于三戶史記楚南  
公曰楚雖三戶亡秦必楚後項羽果使蒲將軍日夜  
引兵渡三戶破章邯說者以為亡秦之讖今考三戶  
津服虔曰漳水津名也在彰德府治臨漳縣西三十  
里春秋時為晉地楚之三戶在今南陽府內鄉縣西  
南內鄉距臨漳驛道一千三百里地名偶同不可以  
此混彼也

楚地蔓延多險阻六十萬衆始能平深山大澤多英物

劉項還從楚地生

六十七

秦王翦破楚用六十萬人後項羽宿遷人漢  
高帝沛縣人俱屬今徐州府當日係楚地

自四十六至六十七共二十二首論列國險要

官山府海致齊強旋入陳家為國殃興霸即成竊國計

國之重寶慎收藏

六十八

曲沃初由支子興驪姬奪嫡更堪懲從今無畜羣公子

本削終教異姓乘

六十九

宣二年傳初驪姬之亂晉詛無畜羣公子正義曰服虔以驪姬與獻公為此詛非也乃文公懲驪姬之禍而設此詛爾考文公諸子雍在秦樂在陳黑臀及襄公之孫談在周無在本國為卿大夫者知是文公本

意非踵驪姬舊法蓋矯枉過正自是權移六卿矣

公族旄車加趙氏宗藩大柄世卿操揚干及愁無通顯

盟會從來不執羔

七十

晉成公即位宦卿之適子以為公族使教公之子弟于是趙括為公族大夫趙盾為旄車之族晉之公族無通顯者見傳惟悼公之弟揚干悼公之子愁二人終春秋之世晉公子未嘗見經定八年公會晉師于瓦范獻子執羔周禮大宗伯卿執羔

七穆三桓張魯鄭晉無公子執朝權從教廢食還懲噓

莽懿千秋好作緣

七十一

春秋時會盟征伐列國諸公子見于經者甚衆魯鄭則非公子不行惟晉絕無此春秋變局也齊則崔慶樂高遮執國柄亦稱公族迨自相吞滅而陳氏興矣

楚之立國最堪師委任宗支更不疑命將尤能嚴賞罰

喪師辱國莫逃誅 七十二

楚之今尹執政俱用公子為之不參用異姓然每有敗績輒必誅不赦城濮之敗誅子玉鄢陵之敗誅子反陳之叛誅子辛惟柏舉之戰囊瓦以逃鄭免所以權不下移累世彊盛

晉當典午曾南渡楚際春秋向北遷南畏吳侵徙郢都

西憂秦逼就淮川 七十三

楚郢都為今荊州府治江陵縣定六年徙郢于郢為襄陽府宜城縣戰國時白起拔郢遷郢陳為今河南陳州府又遷壽春仍謂之郢今江南壽州是由南而向北也

季子能全讓國高終令傳位闔閭饗誅鋤骨肉摧殘甚

夫概功成卒遁逃

七十四

季札不立而立王僚係夷昧之子所以闔閭欲圖篡弑其後踈忌骨肉使徐執公子掩餘鍾吾執公子燭庸二公子皆奔楚夫概有破楚大功卒奔楚為堂谿氏所以一蹶不復振

仲尼沐浴討陳恒全魯加齊力尚勝決勝審知彼已策

伊川持論太無憑

七十五

事見哀十四年獲麟之後孔子勝齊確有成算非以  
空言作一好題目告君者左氏載孔子之言甚明伊  
川謂勝齊為孔子之末務是不  
免以人國為僥倖也竊恐未然

自六十八至七十五共八首論列國廢興大要

莒國初封舊介根葛盧朝魯事難論于今高密膠州地

曾有夷人解獸言

七十六

杜註介東夷國在城陽黔陬縣今萊州府高密縣西  
有黔陬城膠州南七十里  
有介亭蓋高密與膠州連  
壤也又高密縣東南四十里有計  
斤城春秋謂之介根莒始封邑

長狄三人九畝身弟兄都歷百年春不知何地堪君長



絕種離奇恐未真

七十七

公羊傳第云兄弟三人一之齊一之魯一之晉不詳其立國何地杜預云鄭瞞防風氏之後漆姓至國語以長狄即古汪芒氏守封隅之山韋昭註云山在吳郡永安縣尤誕妄

驪戎舊在陝臨潼納女驪姬國祚空積怒山川能作祟

晉疆蚤徹漢新豐

七十八

驪戎國名杜註在京兆新豐縣新豐漢高帝置今為陝西西安府臨潼縣案國語晉獻公伐驪戎克之滅驪子獲驪姬以歸立以為夫人史蘇曰君滅其父而畜其子禍之基也是為女戎三代皆然魏冰叔曰後世滅國其所滅之國山川乏主必積其怨怒為生殊尤入後宮為患害用以傾覆宗祏如驪姬及隋宣華

夫人是也據此則晉地早已踰河而西矣

小戎陸渾本燉煌重耳姬甥後嗣昌允姓姬宗支派別

史遷女弟說荒唐七十九

晉獻公娶二女于戎大戎子狐姬生重耳小戎子生夷吾杜註大戎唐叔子孫別在戎狄者小戎允姓之戎孔疏狐氏出自唐叔之後狐伯行之子實生重耳狐偃其舅在今陝西延安府境小戎瓜州之允姓戎為今燉煌後遷中國為陸渾在今河南嵩縣瓜州在今陝西肅州衛西即唐桓伯所謂惠公歸自秦而誘以來者蓋為惠公母家故挾以偕來也二公子母姓各別史記晉世家謂夷吾母重耳母女弟也可發一笑

肥鼓俱遭晉剋除鮮虞尺土幾紛挐中山立國開王號

界在燕齊抵霸餘八十

鮮虞一名中山與肥鼓俱白狄別種春秋季年晉竭力攻鮮虞終不能滅至戰國時偕號稱中山王與趙魏並今直隸正定府治西北四十里有鮮虞亭

自七十六至八十共五首論春秋四裔

山川阻奧隔舟車戎裔中華錯雜居晉楚并吞俱失記

周初列國萬千餘八十一

周時蠻夷戎狄錯處中華大抵近山者為戎近水者為夷廣莫之地為狄如淮夷徐戎赤狄白狄之類先

王第設方伯連帥以統屬之未嘗必欲驅逐翦除而後已也蠻夷以姓名自通于天子者雖大皆曰子如今湖南兩廣蠻峒之地動輒數百里春秋時北方亦多有之晉所滅留吁甲氏陸渾楚所滅戎蠻子特以其來告而後書耳又凡諸侯滅國不赴告則不書則知周初執玉帛者蓋萬國也

周當八百會同初推戴功高難剗除封建屏藩先懿戚

半仍舊地奉車書

八十二

周初封國同姓五十餘人而中國空地殊少如滅奄以封伯禽滅三監以封康叔滅唐以封叔虞其餘非有罪不遽除也封召公于燕封太公于營丘周初已屬荒遠之地此外如薛如呂如徐如巢如越如庸蜀盧濮焦祝蓊遂以及羣舒六蓼為臯陶偃姓之後俱係夏殷舊封先王因而不改

蕭叔酬功宋附庸夔因廢疾就他封東遷亦有分茅典

不係初年大小共 八十三

宋蕭叔大心立桓公有功宋封之以為附庸又僖二十六年楚人滅夔杜註夔楚同姓國鄭語孔晁注云熊繹元孫曰熊摯楚人廢之熊摯自棄于夔子孫有功王命為夔子以及鄉黎來進爵為子王命曲沃為晉侯皆係東遷後封典蕭為今江南徐州府蕭縣夔即歸今湖廣歸州治東二十里有夔子城

自八十一至八十三共三首論封建源流

蒼莽河從西北來黎陽白馬望中開流經鄭衛迤齊北

無棣溝通海曲隈 八十四

禹貢導河積石至東過洛汭洛汭為河南府鞏縣以上黃河俱東于山峽之間十年不易至于大伾大伾山在今濬縣即古黎陽為河之北岸其南岸為白馬即今之滑縣大河經流其中乃古河道自東折向北處今則南徙三百里在開封府城北十里矣河道遷易自大伾始春秋時白馬為衛楚丘稍西為延津縣即鄭之廩延又東北為開州即衛之澶淵又東北為汲縣即衛之南河晉文公還自南河濟侵曹伐衛處也又自東而北則為齊之無棣無棣即九河入海處今山東武定府海豐縣有無棣溝合禹津河東入海禹津乃九河最東第九河也

周定五年河始徙春秋年數恰中央大伾右轉流從北

却繞山南迤邐長

八十五

周定王五年河徙自宿胥口東行漯川是年係已未  
為魯宣公之七年自隱公元年已未至此恰一百二  
十一年矣禹河則繞濬縣之西而北流河徙後則繞  
濬縣之南經大伾山之足折而東流禹貢所謂北過  
泮水至于大陸此時已無之矣自是河流濬滑之間  
二千年前首所謂黎陽白馬望中開也蓋此時已與  
禹迹微分同一大伾而一經其西一繞其南正對白  
馬南岸嗣後河屢決而南河流更在濬縣之南三百  
里為開封府城北十里而至于大伾之迹亦不可復  
問為今日之河道矣前首所云乃春秋宣公七年以  
後之河道也宣公六年河未徙以前  
河離滑縣開州尚遠詳見河圖說

王莽旱時清濟絕餘流今作小清河發源趵突溫泉水

迤邐青齊入海波

八十六

桓十八年公會齊侯于濼濼即今之小清河其源即  
趵突泉在濟南府治歷城縣西南濟水伏流重發處  
也流經章丘鄒平長山新城高苑博興樂安七縣以  
入于海蜿蜒六百餘里故道就堙而水橫決為諸邑  
患民多曲防盜決本朝康熙某年張鵬撫山東斥  
豪強之占河身為田者疏請濬復建石閘以備旱潦  
蓄洩遂為永利此濼水之見于今日者也詳見徐東  
海愴園集趵突泉冬溫故又謂之溫泉壯注則謂之  
濼

大江無恙截南區衆澤分流勢轉紆彭蠡九江和震澤

宛如傳舍列通衢 八十七

江河俱橫截中夏乃河屢易而江如故者固緣河性  
湍急亦由河處北方為百川之委無諸澤為之停蓄



如騶養昭餘祁及孟諸諸藪俱乾涸夏秋霖雨歸併一河故屢決而遷江則有洞庭鄱陽俱數十里列峙東西如人狂奔得憩息之處自然不至顛蹶蓋亦地勢然也春秋時諸澤尚未乾涸故河至西漢始決溢其理可想見

淮瀆于今未失常黃流吞噬軼分疆刷黃仍藉清淮力

持正還能力砥狂

八十八

淮水發源河南南陽府桐柏縣至江南淮安府安東縣入海至今仍由禹貢故道因河屢南徙至元之季年徑從淮安府清河縣之清口與淮合兩瀆併而為一自有明潘季馴治河專恃固隄束淮清水刷黃泥沙使通流入海故淮盛則可敵黃淮弱則黃淤塞而決潰是淮之為功大矣

三折如巴江水源建瓴千里迅如奔益州已吸金陵勢

吳楚平分天塹門

八十九

春秋時大江經流巴楚吳三國後  
世晉隋取金陵皆用益州樓船

鉅野澤承河濟委河遷濟絕涸成阿猶餘南旺湖中水

南北分流濟運河

九十

哀十四年西狩于大野大野一名鉅野在今山東曹  
州府鉅野縣東五里濟水之所絕也屢經河患自漢  
以來衝決填淤凡四五度元至正四年河又決入此  
處及河南徙遂涸為平陸今為鉅野及嘉祥二縣地  
王氏樵曰南旺湖在汶上縣西南縈迴百五十餘里  
漕河貫乎其中有東湖西湖東湖北接馬踏伍莊坡

以及安山諸湖南接蜀山馬場坡以及昭陽諸湖即古之大野澤也今有分水龍王廟三分北流七分南流以濟運

海口微高瀦太湖鄱陽北阻大江紆自餘十數皆乾涸

雲夢圃田今已無九十一

夏氏允彝曰震澤入海之地亢若仰盂水反流而趨內內溢而外噴故激蕩靡寧朱子謂彭蠡在大江之南地形北高而南下其北流入江處反為江水所遏因却而自瀦故二澤至今不改其餘鉅野雲夢皆涸為縣圃田孟諸亦幾成平陸矣詳見春秋時藪澤論

元建燕都行海運雲帆轉稻自唐先那知吳霸爭齊日

已辦舟師入海船

九十二

哀十年吳徐承帥舟師自海入齊此為海道之始詳見春秋時海道論

連屬江淮沂濟波積成今日轉漕河夫差爭長黃池歲

却已功成半又過

九十三

哀九年吳城邦溝通江淮杜註通糧道也今廣陵邦江是又哀十三年會于黃池杜註在封丘縣南近濟水國語夫差起師北征闕為深溝于商魯之間北屬之沂西屬之濟以會晉公午于黃池案邦溝今日漕河亦曰官河起于揚州府城東南二里歷卻伯高郵寶應諸湖北至黃浦接淮安界其合淮處曰末口在淮安府北五里自江達淮南北共長三百餘里又十三年既溝通江淮遂帥舟師自淮入泗自泗入沂復

穿魯宋之境連屬水道有不通者鑿而通之以達于封丘之濟即杜氏所云近濟水也蓋吳人溝通之路由今考城過杞縣北境歷蘭陽而至于封丘今日漕河由淮而北連合沂泗汶洸及山東諸泉以濟運都倣其遺法漕河沿革攷曰漕河之北段即元人之會通河其南段春秋吳子所開之邾溝也北段萌芽于元南段北始于吳至明而大備總為我朝萬世之利

南海春秋尚未知屈完之對屬誇辭濱東齊地連吳越

### 三國時勤海道師 九十四

哀十年吳徐承帥舟師自海道入齊十三年吳為黃池之會越范蠡舌庸帥師沿海沂淮以絕吳路俱用海師以三國俱邊東海故也春秋時中國尚無閩廣故未知有南海屈完之對及鄭伯行成楚子云俘諸

江南以實海  
濱皆虛言耳

自八十四至九十四共十一首論川瀆改易及今

日漕運海道來由

亞父封條漢廣川晉初疆域太相懸鳴條近在今安邑

通雅諸書竟失傳

九十五

桓二年晉穆侯以條之役生太子杜註但云晉地通  
雅云河間府景州有古條漢周亞父封條侯即晉條  
地近皇興表祖之案穆侯當周厲宣之時晉地安  
得至此今山西解州安邑縣北三十里有鳴條岡括  
地志云岡北與夏縣接界即舜所葬孟子曰舜卒于  
鳴條尚書大傳湯伐桀戰于鳴條即此以此為晉條

邑庶幾

近之

今日中牟鄭圃田佛肸畔處迹終湮征南不解知何地

漫說湯陰亦未然

九十六

今河南開封府之中牟縣在大河之南係鄭地至漢  
初始置中牟縣春秋時未有中牟之名也春秋晉之  
中牟杜註第云當在河北不詳何地據各處傳文及  
國語約當在今直隸順德府邢臺邯鄲之間今日第  
當傳疑雖以近日間百詩之精于地理亦云無可考  
而史記張守節正義以湯陰縣有中牟山謂中牟當在  
其側今方輿紀要與高氏地名攷俱從之亦未必  
然也余修河南省志曾詳辨此有春秋時中牟論

楚邑丹陽係秭歸女嬃遺蹟是耶非朱方別有丹陽郡

班志傳訛失據依

九十七

楚封丹陽在今湖廣歸州東南七里熊繹故封也亦曰秭歸表崧曰屈原有賢姊聞原放逐亦來歸因名秭歸離騷所謂女嬃之嬋媛也班固地理志謂楚始封在丹陽郡丹陽縣大謬丹陽郡今為江南鎮江府丹徒縣東晉時為重鎮丹陽尹常以皇子為之

衛邑原來兩楚丘開皇並置本春秋班書謬列從成武

滑縣漫同已氏州 九十八

穀梁于兩楚丘皆言衛邑而不明其處至隋開皇十六年同時置兩楚丘縣一在漢已氏縣以戎伐凡伯之楚丘為名已氏春秋時為戎州在今山東曹州府曹縣東南四十里一在漢白馬縣即齊桓公所封者



在今河南衛輝府滑縣東六十里截然甚明班固地理志于山陽郡成武縣下注云有楚丘亭齊桓公所城遷衛文公于此則以滑縣混同曹縣大謬

宗邦並列兩平陽新泰高平各一方稽古兩援盟越事

東南不辨魯封疆 九十九

魯有兩平陽一為東平陽是魯本有之邑宣八年城平陽是也杜註泰山有平陽縣今山東泰安府新泰縣西有東平陽城晉羊祜為平陽人奏立新泰縣今仍之一為南平陽向本邾邑魯取之哀二十七年越使后庸來聘令魯還邾公與之盟于平陽是也杜註云西平陽西字當作南孔疏高平南有平陽縣今兗州府鄆縣西三十里有南平陽城後屬齊孟子一戰勝齊遂有南陽即此景范氏于兩平陽下俱引左傳

盟越后庸事高江村地名攷刪一存一遂以宣八年之平陽下註云案哀二十七年公及越后庸盟于平陽即此兩地混而為一矣景范江邨俱精于地理而不免于此此千慮之一失也

豫章廬皖及饒州六見經文迹可求漢代郡名非昔地

南昌尚隔楚江修一百

春秋時豫章地極廣今江南廬州府之巢縣鳳陽府之壽州安慶府泗州及江西之饒州南康二府盡鄱陽湖之境吳楚越三國接界處當日吳楚交兵豫章凡六見于左傳南昌在鄱陽湖之西吳兵未嘗至南昌也柏舉之戰舍舟淮汭自豫章與楚夾漢豫章即指淮汭今日壽州地耳世多以江西之南昌為豫章乃漢分九江置豫章郡南昌是漢豫章郡治耳按之春秋當日之地形殊不合也

鄭重滅許在容城葉地西偏敢據荆漢縣華容郢都側

楚雖新敗豈能爭 一百一

定四年楚遷許于容城六年春鄭遊速帥師滅許杜  
註因楚敗也此許當為葉縣之許昭九年傳遷方城  
外于許杜云許遷于葉因即謂之許是也鄭至是凡  
再滅許矣其舊許之地在許州已為鄭所奪容城當  
即在葉縣西蓋葉在楚方城之外故鄭得因楚之敗  
乘機取之應劭以為即漢之華容葉華容城在今荆  
州府之監利縣逼近郢都此時  
昭王新復國鄭師豈能至此

祝其城在賴榆西魯國南疆更遠齊盟會須當接界地

稱為夾谷屬無稽 一百二

祝其漢縣屬東海郡地在今江南海州贛榆縣西五十里當魯之極南定十年公會齊侯于夾谷杜註夾谷即祝其後漢志東海郡祝其縣即古夾谷以道里計之祝其縣僻處海隅去齊魯之都數百里非會盟之輟所宜至且齊強魯弱齊豈能越國而會于其地魯亦無為挈齊而會于其國之極南也高氏地名考以山東濟南府淄川縣西南三十里有夾谷山一名祝其橐纂又以為齊魯相會不應去齊若此之近去魯若此之遠而以泰安府萊蕪縣之夾谷峪為萊兵劫魯侯處近日山東通志以新設青州府之博山縣有地名顏神鎮為當日之夾谷為萊蕪淄川二縣適中處庶幾近之

齊曹各有重丘地曹縣東昌迴不同兩國並從元凱註

宛溪于此又朦朧 一百三

襄十七年衛孫蒯田于曹隧飲馬于重丘毀其瓶重丘人閉門而詢之衛伐曹取重丘杜註曹邑在今曹州府曹縣東北五十里又襄二十五年諸侯同盟于重丘杜註齊地在今東昌府東南五十里跨往平縣界兩國分註甚明景范氏方輿紀要以襄十七年衛所取之重丘即注東昌府謂為曹北竟之邊邑襄二十五年同盟于重丘即此混而一之殊誤

自九十五至一百三共九首論從前地里差謬處

近關脫屣等浮雲廢置由來總不聞馮道老奸狙僧術

卷懷高蹈事宜分一百四

襄十四年衛孫林父將出獻公告蘧伯玉對曰君制其國誰敢奸之雖奸之庸知愈乎遂行從近關出襄

二十六年寘喜將弑其君剽而納獻公復告伯玉伯玉曰瑗不得聞君之出敢聞其入復從近關出此左氏之謬也夫伯玉食君之祿而首尾十二年之間此廢而彼入彼入而此弑漠然不關其慮若無與已事者此長樂老人之歷事五代豈伯玉大賢而出此而子朱子乃引為卷而懷之之証恐未可訓詳見蘧伯論玉

一百四一首論左氏差謬

徒父占辭說涉河候車東敗是秦戈征南詮解殊踈謬  
地里推尋矛盾多 一百五

僖十五年韓之戰卜徒父筮之曰吉涉河三字要連讀是卜徒父口中語猶襄二十八年傳子之曰克見

血左氏每有此文法若說秦軍涉河則韓原之地當在河以東于陝西韓城縣解不去矣侯車是秦之游兵如今之探騎侯同侯古人二字通用係秦車非晉車若說晉車敗是秦已得勝穆公安用詰徒父杜解殊謬詳見杜註正譌

馬用喪歸屬晉侯繆公本意不成仇若從杜解支離甚

伉儷情深輟閫謀一百六

秦伯曰獲晉侯以厚歸也既而喪歸馬用之兩歸字俱屬晉侯說下文有必歸晉侯可証文義本易解杜註云若將晉侯入則夫人或自殺穆姬在內如何云喪歸且穆公竟成懼內之人真所謂武夫力而拘諸原婦人暫而免諸國矣

沃盥旋揮系屬連英雄降服豈徒然  
湔衣揮水鄰調戲  
情事相懸有萬千 一百七

僖二十三年傳秦伯納女五人懷嬴與焉奉匜沃盥既而揮之棄沃盥是執巾櫛之事既而知是懷嬴係姪婦欲揮令遠去故懷嬴怒曰何以卑我降服而囚只是當日畏秦威耳杜注揮湔也正義解之曰懷嬴奉匜為公子澆手既而以湔手揮之使水湔汚其衣如此則此時已屬調戲情事正是相反

鳩茲江水屬蕪湖吳地烏城天一隅南北懸殊千里外  
追奔曷用過吳都 一百八

襄三年楚子重伐吳克鳩茲至于衡山鳩茲為令江南太平府蕪湖縣杜註衡山在吳興烏程縣南今為



浙江湖州府附郭是時吳都尚在無錫烏程更在無錫東南三百里何用追奔至此乎疎舛甚矣

生而賜族本劉炫穎達譏彈已在先仲氏季孫從後得

康侯祖述亦徒然一百九

僖十六年三月壬申公子季友卒胡傳謂季友仲遂皆生而賜氏俾世其官春秋書此以著壞法亂紀之戒按賜氏之說本出于劉炫正義已駁之曰季是其字友是其名如仲遂叔肝皆名字雙舉無以為氏之理劉炫謂季友仲遂皆生而賜族以規杜過非也仲遂生時止稱東門氏成十五年仲嬰齊卒傳云宣十八年逐東門氏既而又使嬰齊紹其後曰仲氏季友至孫行父始稱季孫氏其生時之季與仲非氏也胡氏之說誤

劉君規杜未為真孔氏依阿是諛臣千慮何妨存一失  
後人無用護前人一百十

劉炫規杜氏之失凡一百五十餘條穎達謂其雖規杜氏義實淺近固然然韓之戰劉炫以侯車敗為秦伯車敗云侯者五等總名國君大號且韓戰之前未有交兵何得言晉侯車有三敗其說甚允而穎達必強申杜氏之說謂秦是伯爵晉實是侯爵既云侯車敗故知是晉侯車敗如此則秦車當云伯車楚車當云子車乎可發一笑也又云三敗是車有敗壞非兵敗強解殊甚凡杜氏之稍有違誤者必曲成其說如此等類不一而足

劉炫矜伐性多爭穎達攻劉義極精獨到征南違反處

更無一語為持平

一百十一

孔氏正義序內謂劉炫意在矜伐性好非毀其攻劉氏規杜如僖三十三年晉人敗狄于箕及襄二十一年傳邾庶其以漆閭丘來奔以公姑姊妻之二條仲杜抑劉可謂析入牛毛繭絲但其他杜有未安而劉規之為得者必曲護杜氏甚覺無謂且杜最精地理而孔子地理特疎凡涉地理處多置不解如柏舉之戰謂吳兵自東而追至西者尤誤

自一百五至一百十一共七首論杜註孔疏胡傳之失

號滅西歸絕好音申亡南服啓雄心春秋晉楚平分勢

兩國存亡痛鉅深 一百十二

晉滅虢得陝州靈寶桃林之地鎬京消息中斷楚滅申有宛謝南陽營方城逼近洛邑自是春秋為晉楚之世矣

此一首總論春秋全局

往日譚經兒戲同聽人傳說任西東而今紙上看形勢  
歷歷興圖指掌中 一百十三

補遺

越棄江淮就故封史遷耳食未宜從武城烽火曾相接

隔遠如何有戰攻

史記越滅吳而不能正江淮以北故楚得東侵廣地至泗上泗上蓋今揚州及徐泗等地考吳越春秋竹書紀年越絕書俱云越徙都琅琊起觀臺以望東海琅琊為今山東沂州府其所屬日照縣向係海曲疑所謂觀臺即于此左傳哀二十二年越滅吳二十七年越使后庸來言邾魯之界哀公嘗欲以越伐魯而去季氏公又嘗如越武城嘗有越寇武城在今沂州府費縣若桑江淮則后庸使命之往來公之如越越之寇武城中間俱隔一楚地則知史記之說非也

楚疆不越洞庭湖此外殊方天一隅吳起相荆新闢地春秋原不隸輿圖

長沙府以南俱為百蠻地楚莊王時羣蠻從楚子滅庸自後蠻服楚鄢陵之戰蠻從楚擊晉然皆不隸版圖及吳起相悼王南并蠻越遂有洞庭蒼梧漸由湖南以開兩廣矣春秋時並非楚地也

沙鹿于今隸大名經為天下志山崩祇緣卜偃言亡國

適會韓原與禍并

僖十四年秋八月辛卯沙鹿崩晉卜偃曰期年將有大咎幾亡國僖十五年十一月壬戌秦晉戰于韓原獲晉侯後儒遂謂沙鹿是晉地胡傳云春秋書沙鹿崩于前書獲晉侯于後事應具存此不考地理而曲徇左氏之過也按杜註陽平元城縣東有沙鹿土山在今北直大名府元城縣東四十五里其西有沙鹿城去晉疆絕遠晉當惠公時其地未至于東方也沙鹿即五鹿杜註衛地僖二十三年傳晉公子重耳處

狄十二年而行史記年表是年為僖公十六年即秦  
晉戰韓之明年也公子由狄過衛出于五鹿乞食于  
野人杜註陽平元城縣亦有五鹿近志今大名府有  
五鹿城二屬元城縣者即沙鹿城也由晉而狄而衛  
道極遠遠沙鹿非晉地明甚因左氏好言災異附著  
晉卜偃之言而韓原之役適與之會後儒不察遂以  
沙鹿屬之晉而不知此日之晉尚未有沙鹿也僖二  
十八年文公伐衛取五鹿沙鹿屬晉未幾又屬衛至  
哀四年齊衛救趙稷于邯鄲圍五鹿又屬晉蓋當春  
秋之季晉地直跨至山東界沙鹿始為晉有不得據  
其後以概夫前也公羊云  
為天下紀異此為得之

江漢初逢大別山楚吳角鬪此中間康成錯解安豐縣

顧氏仍譌未肯刪

禹貢漢水過三澨至于大別南入于江春秋定四年  
吳楚柏舉之戰自小別至于大別大別山在今湖廣  
漢陽府城東北百步武昌府之西漢水觸山迴南入  
江處即今之漢口也康成註禹貢謂在今之安豐史  
記索隱及班固前漢志亦云六安國安豐縣禹貢大  
別山在西南而方輿紀要亦從之皆悞也安豐之大  
別另是一山與禹貢左傳俱無涉安豐為今江南壽  
州大別山在今潁州府霍丘縣西南八十里去漢口  
絕遠孔氏穎達曰吳既與楚夾漢然後楚乃濟漢而  
陳自小別至于大別然則二別是近漢之名無緣反  
在安

豐也

春秋大事表卷九下